

天一閣藏明代方志選刊

沔陽志

一九六二年十一月上海古籍書店據寧波天一閣藏明嘉靖刻本景印原書版框高一九公分寬一三·三公分

嘉靖沔陽志

沔陽志序

奉訓大夫知州曾儲撰

初訓導經作沔志知縣綰作景陵志余之至沔也求而覽焉經志畧綰志蕪又其廢者七十餘年矣余甚慨焉迺謀諸郡倅歐子賢蔣子賢郡博士丘子振魯子宇胡子恪僉曰曷葺諸時太史氏在倚廬乃請之辭請之固太史氏曰志史也非究變徵實者其何葺之能然吾志也抑收散采逸子其先之余迺進鄉

薦士胡子彥陳子栢諸生劉子孟森蕭子寅
陶子魯而讐校焉復命邑博士劉子鵬采摭
於竟陵三越月事既竣太史氏亦禪於是提
綱析類達義明例叙事以紀繫年以表攷故
以志述行以傳又逾年乃成畧者覈陋者雅
蕪者理舛者正廢者續可以勸可以懲矣夫
古今言史必曰遷固然遷周遊天下固世居
史職故其事核而文雅後世稱良焉太史氏
族本郡望尤以文學傳其家其世業不啻班

氏而是舉也索之圖籍咨之道路考之荒僻
訪之耆舊蓋又不啻司馬氏之勞矧今義意
悉主遷固名物悉由見聞故其事該而覈其
文辯而理匪惟良於故志視近代諸志亦加
良矣嗟乎余非其人也使太史氏罔宅於憂
而諸子不余贊也猶夫廢也是將不為遺會
矣乎志成書此以告宦於斯生於斯者

嘉靖十年冬十月望日

沔陽志序

者民所止也故首提封位署建而制度彰矣故
次創設役莫大於隄障民食仰焉故次河防河
防固而財用阜矣故次倉貨富必有教故次秩
祀校者禮所從出故次儒學有文必有武故次
兵戎凡傳秩官人物叙事也良牧惠也名將錄
功也死事忠也名賢尊德也逸士尚志也僑寓
思也孝義崇節也外傳備遺也

志目

雲杜大破牧軍遂攻拔竟陵

東漢竟陵

如漢

桓帝延熹七年正月戊辰桓帝幸竟陵過雲夢臨沔水

獻帝建安三年九月蜀先主敗於長坂斜趨漢

津與關羽船會得濟沔

景陵今有留駕河先主廟

十月吳周瑜破曹操於烏林

按史操引次江北被燒走華容今烏

林正在江北與赤壁對故關羽亦曰烏林之役

三國竟陵雲杜吳地

晉初竟陵雲柱制如漢

武帝太康元年杜預鎮襄陽開揚口通零桂之

漕預傳揚口起夏水達巴陵水經註揚水北逕竟陵縣北注于沔謂之揚口通典復州沔陽

有夏水

惠帝元康九年分江夏西部都尉置竟陵郡治

石城領縣六

長壽竟陵新市霄城新陽雲杜

太安二年正月義陽蠻張昌聚黨為亂江沔間起兵應之

七月荊州刺史劉弘以南蠻長史陶侃為大都

護遣攻昌於竟陵大破之

懷帝永嘉六年正月胡亢聚衆於竟陵自號楚公以杜曾為竟陵太守

十二月杜弢別將王直襲沔陽

按晉志南郡江夏郡並無沔陽

胡三省注當屬竟陵郡界宋白曰復州沔陽縣漢縣也郡國志沔陽縣即楚王城

成帝咸康五年九月石虎將夔安李農陷沔南進圍石城竟陵太守李陽拒戰破之

穆帝永和四年十月石虎使其將符健寇竟陵帝奕太和三年四月慕容暉將慕容塵寇竟陵

太守羅崇擊破之

武帝太元六年十二月符堅荊州刺史都貴遣其司馬閻振寇竟陵桓冲遣冠軍將軍桓石虔

與其弟石民破之擒振

按晉志都貴作梁成

南宋初竟陵郡屬荊州孝建元年屬郢州

領縣同晉

竟陵木產連理其上有光

齊和帝中興元年蕭衍至竟陵命王茂曹景宗

為前軍進逼郢以中兵叅軍張法安守竟陵城

梁武帝分竟陵郡置沔陽郡

隋志梁置沔陽郡胡三省釋文辨誤

梁置沔陽郡於漢竟陵縣地故志雲杜城註梁於此置沔陽郡

大通五年十二月魏荊州刺史賀拔勝遣軍攻

沔陽拔之

史炤通鑑釋文沔陽漢中邑胡三省釋文辨誤漢中沔陽屬梁州時梁州

已為魏有
史炤釋非

太清三年司州刺史柳仲禮赴臺城竟陵郡守

孫暉以郡叛入于魏宇文泰使大都督符貴鎮

之

簡文帝太寶元年正月仲禮還暉仍以郡歸泰

將開府楊忠擒仲禮于滎頭別將王叔孫以竟

陵降于忠

史氏曰晉置竟陵郡治石城

陸州

書其事

何竟陵我郡也其治石城何石城竟陵地也竟陵既自為郡凡大事必書書必繫於竟陵明我郡事也書我郡事故不嫌於石城也梁置沔陽郡竟陵為異郡矣復書其事何存故也春秋書陳災詩列邶鄘之風陳楚并之也邶鄘衛并之也何為復繫之存之也

西魏省州陵惠懷二縣置縣曰建興

見隋志即今治所沈

約志州陵屬南郡惠懷屬江夏

改竟陵曰霄城

晉有霄城魏或并竟陵入之也

後周置復州

取復池胡為名

治建興又省營陽州城二

郡入建興

見隋志營陽州城志關

復以霄城為竟陵

隋文帝開皇間徙復州治竟陵

仁壽三年州治復徙建興

煬帝大業初改沔州又改建興曰沔陽尋復沔

陽郡統縣五

沔陽監利竟陵龜山漢陽

大業十一年十一月城父朱粲聚眾轉掠荆沔

所過無噍類

恭帝義寧元年十月沔陽人張繡謀據郡叛隋
推蕭銑為主

唐高祖武德四年五月隋真定令周法明遣子
紹德攻沔陽拔之因以城降于唐

武德五年改復州屬山南道領縣三
沔陽竟陵監利是
年徙復州治竟陵

太宗貞觀七年仍徙治沔陽

玄宗天寶元年改竟陵郡